

Paradera ta bay haya dos rotonde acerca



ORANJESTAD -- Dialuna anochi algo prome cu 8'or, Polis di planologie hunto cu personal di DOW a cera e crusada di Paradera pa bay Jaburibari. Motibo pa esaki ta, pa asina cuminsa cu trabaonan necesario pa construi un rotonde na e crusada aki y tambe un otro rotonde na e crusada di Paradera pa Bloem-

mond.

Ambos crusada ta crusadan an unda frecuentemente ta sosode accidente den trafico. Na e crusada di Jaburibari pa Paradera a hasta yega di sosode accidente fatal y casi tur siman tin un boksmento na e crusada aki.

Ambos rotonde sigur lo bay yuda e fluho di trafico druk



di mainta y merdia unda mayornan ta hiba nan yiunan scol.

Tambe e rotonde lo por yuda preveni accidente di sosode. Ta programa cu henter e siman aki DOW lo traha riba e dos rotondenan aki y mester keda cla dentro di un siman cu nan.

E rotondenan lo ta e mesun tipo di rotonde cu tin na e crusada di Santa Cruz y Verbindingsweg cu Caya

Betico Croes, unda vehiculonan mas grandi, manera bus y trucknan por pasa facilmente.

E habitantenan di Paradera ta hopi contento cu e dos rotondenan aki pa motibo di e tantisimo accidentenan cu a tuma luga na e Crusada di Paradera pa Jaburibari.

E caminda lo wordo cera for di 7'or di marduga pa 4'or di marduga pa asina DOW por haci e trabaonan necesario. □